



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

27. S. Joannes Evangelista

[urn:nbn:de:hbz:466:1-52716](https://nbn-resolving.de/urn:nbn:de:hbz:466:1-52716)

stolorum : *in Domino.* Mors piè viventium somno est similior ; quia tunc belli finis, & pacis initium. O fili ! an non & nos desideranter ingemiscimus ; *Moriatur anima mea morte iustorum !*

Instructio meritoria.

Dabitur, si vivamus, si laboremus, si & patiamur ut Justi. Igitur pactum faciamus cum omnibus Sanctis in coelo triumphantibus, saltem semel in septimana recitandi *Lyranias de Illis*, ut vel hoc foedere nobiscum vivant inter hujus saeculi miseras, & varietates : & tandem à lectulo mortis feliciter, suavitérque deducant ad optatam patriam. Notemus & Divi Augustini Doctrinam : *Mori male times, & male vivere non times.* Corrige male vivere, time male mori : Sed noli timere : *Non potest male mori, qui vixerit bene.* Id quod nobis tribuant Superi !

Festum S. Joannis Evangelistæ Discipuli
Christo amicissimi.

EXHORTATIUNCULA I.

Hic est discipulus, quem diligebat Jesus. Cur dilexit præ cæteris ? Quia Virgo electus à Christo, Virgo in ævum permanxit. O Fili ! quò plus cordis amaverimus puritatem, & munditatem, eò plus crescimus in amicitia cum Christo. Puritas cor possidentis lætificat, & animæ ad cælestia alas addit ; passiones minuit, & animum à turbationibus protegit ; justos illuminat, & diabolo offundit tenebras. Beatus, qui

sic

712 XXVII. Decembris. S. Joannis Evang.

sic permanerit, nec aliud ad cor admiserit, nisi solum Dominum Jesum Christum. Hunc eligamus, dilecte! qui, cum omnia fuerint subtraeta, solus servabit fidem in die sepultura nostra. S. Bernardus.

Instructio meritoria.

Eligamus in speciale castitatis Patronum S. Joannem Evangelistam, eumque singulis diebus martis (qui alias sacri sunt Consanguinitati Jesu, Mariæ, & Josephi) tribus Pater, & Ave veneremur, addendo y. ora pro nobis S. Joannes Evangelista &c. & collectam ex hodierno festo, quæ incipit: Ecclesiam tuam Domine benignus illustra &c. Non est terra oblivious, quam anima Joannis inhabitat, cœlum est. Nunquid cœlestis habitatio animas indurat, aut memoriâ privat, aut spoliat pietate? S. Bern.

II.

B. Joannes tam graphicè expressit Jesum, ut alter fuerit filius Mariæ. Chare! possumus & nos. Possumus in oculis per modestiam, in ore per taciturnitatem, & mansuetudinem, in manibus & corpore per Christianam gravitatem, & prudentiam. Ut fiat, lex jubet amicitiae cum Christo. Hinc Seneca: *Ea est jucundissima amicitia, quam similitudo morum conjunxit.*

Instructio meritoria.

Sit ergo hodierna conversatio cum hominibus rara. Cum Christo, cum Maria, & S. Joanne Evang. aliisque cœlitibus sanctis in templo, in pia recollectione esse sat agamus; In hunc finem



finem post quamlibet refectionem, vel recreationem pergamus ad ecclesiam, *novem Pater, & Ave in honorem totius SS. Consanguinitatis Iesu offerendō.* *Vera amicitia tantum inter bonos oritur, inter meliores proficit, inter optimos, & sanctos consummatur.* Cassiod.

III.

Sic cum volo manere, donec veniam, ait Christus de Joanne. Ut vel inde disceremus, non satis esse per aliquot dies vivere nos justos, humiles, & castos. Perseverantia coronat opus. Multò melius est, non cœpisse, quām in bono non perseverasse. S. Aug. currite fratres (clamat Bernardus) tota curia cœlestis nos expectat. Fiat!

Instructio meritoria.

Pro gratia finali quām modicum egimus, dilecte fili! satisfaciamus, & imposterūm pro conservatione illius quotidie *Lytanias Lauretanās* persolvamus; Singulīs verò mensibūs unam certam eligamus diem, in qua præmissā S. Confessione sacramentalem Communionem cum cæteris diei operibus SSS. Trinitati ad stabilendam nobis agonizantibus finalem gratiam offramus. Recitemus psalmum: *Confitemini Dominō; quoniam bonus.* Qui seminat in benedictionibus, de benedictionibus & metet. Certe modicum seminis incrementum non modica mesfisis multiplicatio est. S. Bern.

Festum